

Pablo Filemórē ojáca pūrī ni'i

A'ti pūrī a'tiro weero ojanopā nise ni'i

Pablo Filemó wāmetigure ojacu niwī. Cū ne waro Romapu bu'iri da'reri wi'ipu wa'anu'cācaterore a'ti pūrīrē ojacu niwī. Filemó Colosacjū nicu niwī. Pablota cūrē Jesucristore ējōpeocā weecu niwī.

Filemó su'ti da'reri wi'i wiogu nicu niwī. Tojo weegu da'raco'teri masā cuocu niwī. Cū, cū ya wi'ipu Jesucristore ējōpeorārē su'ori nerēnu'cūcā'cu niwī.

Pablo Filemórē a'tiro nicu niwī: “Ni'cārōacārē Onésimo mu'u tiropu da'raco'temi'cu Jesucristore ējōpeomi. Cū mu'urē da'raco'tecaterore ña'arō weecu niwī. Cū mu'u tiropu ejacā, cūrē añurō weeya. Cū ña'arō wee'que wapa mu'u wapaseecāma, yu'u cūrē wapayebosaguti”, nicu niwī Pablo.

Pablo Filemórē oja'que ni'i

¹ Yu'u Jesucristo yere werese wapa, bu'iri da'reri wi'ipu ni'i. Filemó, marī acaweregu Timoteo me'rā mu'urē oja'a. Mu'u ūsā uputu ma'igū Jesucristo yere weretamugū ni'i. ² Mu'u ya wi'ipu Jesucristore ējōpeori curuacjārā nerēwuarā quē'rārē oja'a. Marī acawerego Apia wāmetigure, tojo nicā Arquipo quē'rārē oja'a. Cū ūsā weronojō Jesucristo yere weregu tutuaro me'rā da'ranu'cūsami.

³ Mūsārē Ō'acū marī pacu, Jesucristo marī wiogu añurō weeato. Mūsārē ejerisājācā weeato.

Pablo Filemó ye cjasere ucū'que ni'i

⁴⁻⁵ Yu'u mu'urē “A'tiro weemi”, nicā tu'owu. “Marī wiogu Jesure ma'imi, cūrē ējōpeomi” nisere tu'owu. Tojo nicā “Jesure ējōpeorārē mejārōta ma'imi” nisere tu'owu. Tojo weegu Ō'acū yu'u wiogure sērīgū, mu'urē

sērībosasetirinucū e'catise o'o'o. ⁶ Mũ'u ējōpeosere āpērārē wereturiacā ũagũ sērībosa'a. Jesucristo marīrē añurō weesere masītu'ajato nígũ sērībosa'a. ⁷ Acaweregũ, mũ'u Jesucristore ējōpeorārē wācūtutuacā weewũ. Tojo weegũ yũ'u mũ'u me'rā e'cati'i. Mũ'u āpērārē ma'isere tũ'ogũ, wācūtutua'a.

Onésimo Filemórē da'rawā'ñaco'tegũ ní'cure “Añurō ñe'eña” ní'que ni'i

⁸ Filemó, mũ'u añurō weeseti'i. Tojo weegũ yũ'u Jesucristo besecú'ucũ niyugũ, mũ'urē “A'tiro weeronaa'a”, ni dutimasī'i. ⁹ Sō'owaro dutibutiasī'rītisa'a. Ma'ise me'rā pe'e mũ'urē “Tojo weeya”, nisī'rīsa'a. Yũ'u bucu ējā wa'a'a. Jesucristo yere werese wapa, bu'iri da'reri wi'ipũ ni'i. ¹⁰ Mũ'urē Onésimo ye cjasere “A'tiro weeya”, nisī'rīsa'a. A'topũ bu'iri da'reri wi'ipũ cū Jesucristore ējōpeonũ'cāmi. Yũ'u macū weronojō nimi.

¹¹ Todũporopũre cū mũ'urē da'raco'tegũ queoro weeticũ niwī. Ni'cārōacā pūrīcārē marī pũarārē mũ'urē, tojo nicā yũ'ure weetamumasīmi. ¹² Mũ'u tiropũ cūrē yũ'u Ƴpũtũ maigūrē o'ógũti tja. Cūrē añurō ñe'eña. ¹³ A'topũ cūrē yũ'u me'rā tojaque'acā ũami'i. Yũ'u Jesucristo yere werese wapa, bu'iri da'reri wi'ipũ ni'i. Cū a'topũ niró ejatuaro mũ'u yũ'ure weetamubo'quere weetamubosami. ¹⁴ Mũ'u dutiro pe'e yũ'u weesī'rīsa'a. Mũ'u “Jau” nicāma, mũ'u tojo nise yũ'u dutibutiasē mejēta nirōsa'a. Mũ'u ũaronojō wa'arosa'a. ¹⁵ Apetero weero a'tiro wa'apā. Onésimo yoaticā aperopũ wa'apī. Ni'cārōacārē mũ'urē cūrē cƳonu'cūdutiro tojo wa'aro wa'apā. ¹⁶ A'tocaterore mũ'urē da'raco'tegũ weronojō nisome. Mũ'urē da'rawā'ñaco'tegũ nemorō nigūsami. Mũ'u acaweregũ mũ'u ma'igũ waro weronojō nigūsami. Yũ'u cūrē Ƴpũtũ ma'i'i. Mũ'u pūrīcā tjāsa'a. Cū mũ'urē

da'rawã'ñaco'tegu se'saro nisome. Jesucristore ãjõpeogu, mu'u acaweregu weronojõ nigũsami.

¹⁷ Marĩ pũarã Jesucristore ãjõpeorã ni'i. Tojo weegu yu'ure mu'u “Yu'u me'rãcjũ waro nimi”, nĩmasĩ'i. Tojo weegu yu'ure ñe'egũ weronojõ Onésimorẽ ñe'eña. ¹⁸ Cũ apeyenojõ dojorẽcãma, o wapamoocã, yu'ure tere wapaseeya. ¹⁹ Yu'u basuta a'tere oja'a. Wapayeguti. Tojo nimigũ, mu'urẽ a'tiro nĩmasĩsa'a. Yu'u Jesucristo ye quetire mu'urẽ ãjõpeocã weewũ. Tojo wee'que wapa mu'u yu'ure wapamoo'o. ²⁰ Acaweregu, mu'u Jesucristore ãjõpeogu niyugu, Onésimorẽ añurõ ñe'ecã u'a. Tojo weegu yu'ure wãcũtutuacã weeya.

²¹ Yu'u mu'urẽ “Yu'tigusami”, ni masĩtoja'a. Tojo weegu oja'a. Yu'u duti'que nemorõ weegusa'a.

²² Tojo nicã apeye quẽ'rãrẽ nibaque'oguti. Yu'u cãrĩatjore apoyuya. Õ'acũ musã sãrĩsere tu'ocã, musã tiropũ wa'agusa'a.

Pablo cã añudutitũo'que ni'i

²³ Epafra yu'u me'rãcjũ Jesucristo yere werese wapa, bul'iri da'reri wi'ipũ nimi. Cũ quẽ'rã mu'urẽ añudutise o'omi. ²⁴ Yu'u me'rã da'rarã Marco, Aristarco, Demas, tojo nicã Luca añudutima.

²⁵ Marĩ wiogu Jesucristo musãrẽ añurõ weeato.

Tocã'rõta oja'a.

Pablo

Õ'âkã hi yeere uúkũri turi Tukano
New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

